

# Pukllasa Yachashun

5

Kichwa



Cuaderno de Trabajo de Inicial 5 años



PERÚ

Ministerio  
de Educación

# La ciudadana y el ciudadano que queremos



# Gimatachinemkojepwu

5





Ministerio de Educación

Dirección General de Educación Básica Alternativa, Intercultural Bilingüe  
y de Servicios Educativos en el Ámbito Rural

Dirección de Educación Intercultural Bilingüe

### **Gimatachinemkojepwu 5**

Cuaderno de trabajo y folder-inicial 5 años Yine

©Ministerio de Educación

Av. De la Arqueología cuadra 2, San Borja

Lima, Perú

Teléfono: 615-5800

[www.gob.pe/minedu](http://www.gob.pe/minedu)

Segunda edición, 2021

Tiraje: 315 ejemplares

Impreso en Abril 2021

### **Elaboración de contenido**

Inés Saavedra Urquía

### **Validación participativa**

Adelid Noble Macedo, Claribel Diana Rengifo Sebastián,

Heydi Dalila Pacaya Broñes

### **Revisión lingüística**

Daniel Segundo Urquía Sebastián

### **Asesoría y revisión técnica Digeibira-DEIB**

Bertha Liliana Pacheco Díaz

### **Ilustraciones**

Jean Pool Bejarano Herquínigo

Archivo Digeibira-DEIB

### **Diseño y diagramación**

Cynthia Carolina Guibovich Vargas, César Adolfo Yeckle Castro

### **Cuidado de la edición**

Marlene Sofía Silva Huerta

Impreso en EDITORIAL ROEL S.A.C.

Pj. Miguel Valcarcel Nro. 361, Urbanización San Francisco,

Ate - Lima

RUC 20122879331

Hecho el Depósito Legal en la Biblioteca Nacional del Perú N°  
2021-04242

Todos los derechos reservados. Prohibida la reproducción  
de este libro por cualquier medio, total o parcialmente, sin  
permiso expreso de los editores.

Impreso en el Perú/*Printed in Peru*



# Wekakgitanrupa

## **Walukanune mturune ga wa mturone:**

Wa twu kirukamta pixanni. Wushinikle-yma ga wa wmuchkonunshinikanu-yma wkamrutanroni, ga wa pyimakjero, pyimakjeru gipxakwu pumatyaplo ga wa pugleretyaplo.

Wa kiruka-mta wala kamrutka kamrurchikaka komjikwu, wixako gimkata kamruretlu pupxalune-yma ga wa pumolene-yma. Ga wa pasurkaka gipxakwu wumatyaplu ga wa wasrukinwa wumatyaplu, wixa giwakletyawaka wa wupokchiya, meyiwlu, wumatkale ga wa wupirana ga wa wasrukinwa paptogirune, waluklewatinri wixyawakgognenanni. Wane kopixka wane pnute wixa giwekletyawaka wumatkale-yma ga wa pasretako wa wuchijne, psoluko, wukshikanru tye psolchijneko, wjemlu komjikwu giknogachri, xani potuko ga wa wixgognenanupni wupokchiya.

Wa tosure genekanwu wumatanrupa, gixo pagixanu wa pupxalune-yma gixo pagixanu gimatanu, wa pumolene, pupokchi, wa jiglokikowaka, wutakinwa wkamrutanru pnumnu gixachri kamrurchi wumwanune ga wa gipxakakachine.

Wa petanru watwu kiruka yimakletwu yenewlu, wshikalewatanu, wsagataru wyanshinikanuwpotutatu, wupxaletkakanru pumepjetletanru ga wa gipapko yenewlu ga wa, gimuwlu wkamrutanru wa jiglokikowaka chanixlewatachri walpokotanu pa gogne mnunanuko kiglerunepwu.

Nugkakanyi watwu kiruka wenekanro psotsotaji gimuwlu, wala gekakgitanwu psoluko tumatkale ga wa pupxalune yenewatanu muchikawako.

Dirección General de Educación Básica Alternativa Intercultural Bilingüe y de Servicios Educativos en el Ámbito Rural (DIGEIBIRA)



**Gitni ga wa  
ngiwakni.**



# Gitni ga wa ngiwakni

## Yimaklewatachro kamrutanrupa:

Petjetanro kiruka mturuneyma ga wa pepomganna klu rugleretna.

Pepomganna: ¿Gi rixpoko gimatkota katu kirukatni? ¿Klu wkamrutanu wumatyaplo girni wkirukate?

Satkaka mturu pupxaka koshpakletanu gwicha “ngiwaka”.

Rugleretanruna pagixanu rawanna mturune”kamru yaglutinwana ga wa yona giwakatanna”.



Petanru ga wa putakyonganaru:


Three horizontal dashed lines for writing.







**Wshimagatanu  
wnikanrupa ga  
wa wgirukotanna  
shimane**



Ngiwaka: .....

# Shima gigyawaka pirana wjemanu

## Yimaklewatachro kamrutanrupa:

Muchinangapka giprota kamrutanna mturune, putuplatanna ga wa pumugkalewatanna shima gigyawaka pirana. Shimane pirana.

Muchikawa gima yinni nachipotgimjenatanna, gike gima nikanna. Gosha ginro gima ranjitna, rumkata nikletyapna, tjema gimatna wala. Giyagimni satu tsru mapchiri gitsruka tyokanata, gonga gima ruknokananumta ginamaya. Wane pnute shimankoxa. Wale gima jemna yine, rumowpotgimatna. Wane gishpakyachro shima gima rapatjetna, rutaka giwaka nanumtlona. Twuni kapiripa, kolyo, klatakalo ga wa kayonalo.

Wane pnute gima gipjina ranikatkalona Shimane. Wane rajpoyityatkalona ga wa pimrine jimatkalo, pimrine chopijpatatkalo. Waneklu gima nikpotutatkana yinetka. Waneklutka gi wa nachichatkana.

Pepomganna mturune.

- ¿Klu piranni?
- ¿Gi china piranata?
- ¿Klonero shimane wumata?
- ¿Ginaka rawna Shimane?
- ¿Katu yine wane gwa piranata.?
- ¿Klu wumatyalu tye piranaya?
- ¿Kluneru pugleretpotuta?

## Psaga-yaglutanna gigkaklu yegi gwa piranatachine.



Petanru ga wa putakyonganaru:

-----

-----

-----



Ngiwaka: .....

# Pachine gigkakwu ginaka wumkata shimagleta

## Yimaklewatachro kamrutanrupa:

Pachine pirana pumugkaklewatanna mturune.

Pepomganna mturune:

- ¿Klu chinanu wenu ruglereta gwaletna pachine?

Maleka pushpakanu pyenewatanu mturune-yma.

Pachine pixka wixanu.

Pepomganna:

- ¿Gi rixpoko tunwaletna pachine?

Pachine ptogi kamrutanna mturune ga wa mturone.

Wane pnute gojiwutsalone ga wa mojiwutsane.

Gistonrechi gitakachine ga wa gichlaje mowukatu.

Giptogi wkamrutinipa pachi pixka wixa tunwaletanu.

Jiglokyawakna wumkata genekletyana, kamruptogi tyapna gikta rixpokotna.


- ¿Klu kamrutna pachine wenuya?
- ¿Ginaka rawna Shimane?
- ¿Gi wixpoko kamruptogletna?

**Psaga-yaglutanru pachi ga wa tsro shima pushyatanu ga wa sashkitgatanna mturone shima.**



Petanru ga wa putakyongatanru:

-----  
-----  
-----



Ngiwaka: .....

# Wpinimyotanu kiglerune kshimagaklerune wixinripa

## Yimaklewatachro kamrutanrupa:

Tsru yegi wyanu, wane wetinri girixpoko pinimyotkotna mturune, kshimagaklerune rixinripna.

Ngemanru chinyawakgi tsru.

Pepomganna katu galuka pinimyotkota kshana-yma ga wa pimrine mturune getashatanu.

tye pumkata gepomgaletna rapokinitkana jiglokyawakna.

- ¿Klu geta?
- ¿Kluneru gigleretpotuta
- ¿Gi china tsru?

- ¿Gi ge pinimyotyina?

Pepomganro punro gikta pinimyotyina mturu pixanatini.

## Pkamru-yaglutranu ¿Kluneru paluka gixleta tsru pixinipa?



Petanru ga wa putakyonganru:

-----

-----

-----





Ngiwaka: .....

# Watjirune yimaka shimagletwu

## Yimaklewatachro kamrutanrupa:

Pumugkaklewatanru satu girchi kshimagakleru, mturune yimaka yogwakletanu kowchogapi. Wane pnute mturune rumotsatanu, kowchogatanna wenu.

Pugkakanna mturune kluneru ranikanna (kowchogapi ga wa giknopjegapi).

Mturone ganikanru nikchi, pejnuruneko nikanrupa (nikchimta, paranta ga wa jimeka). Mturune-yma tuplata girchi satkaka reneka kowchogatyapna.


Satu reneka serolo, kolyo kosetinripa, satu reneka jimeka chkegi, myamutu kosetinripa. Ruknokatkakaluna kowchogapi, tuplatatkana wane kagwakinitkalona shima nikinripatka.

Tuplatna mturone pochkepotna, shima kagwakna yogwatyaplona.

- ¿Klu-yma kosetka kolyo?
- ¿Klu-yma kosetka myamutu?
- ¿Gi pejnu shima pumkata kosleta?

Rukshikikowaka pujga yaglutinri A1.

## Pyogwatanu, mturo ganikanropa. Mapa myamutu koxa pyogwatanu mturo ganikanrupa.



Petanru ga wa putakyongatanru:

-----

-----

-----



--	--	--	--	--	--

Ngiwaka: .....

# Yonwalojine-yma wyenewatanu

## Yimaklewatachro kamrutanrupa:

Sotlu sloji yegi panikanna mturune.

Pepomganna:

- ¿Katu gewi gwa?
- ¿Gi pejnu yonwaloji wumkata gikshikleta?
- ¿Klu wumkata kamrureta yonwaloji-yma?

- ¿Gi pixka saglero?
- ¿Klu giknoganunro wakapshotininaplo?
- ¿Kluneru wukshika waneya?

Pyantatanu, gi pejnu yonwaloji wane.

**Psagatanru gi pejnu yonwaloji wane giswajkaka.**



Petanru ga wa putakyongatanru:

-----

-----

-----



Ngiwaka: .....

# Gipixkalotkakni shima

## Yimaklewatachro kamrutanrupa:

Wenu panikanna mturune.

Rugkakanyina psoluko retanruna.

Pepomganna:


- ¿Kluneru geta gongaya?
- ¿Kluneru kamejirune wane?.
- ¿Klu rugkakwuna pachine?
- ¿Klu xani wane gonga.?

Gapokachimpatka njiglokyawaka rugkaklewyegitanyina mturune psoluko retanruna, yonawapishpata pyonananumtanu mtire chinyawaka.

- ¿Kluneru geta gongaya?
- ¿Kna giwakanni Shimane?

Rukshikikowaka pujga yaglutinri T1.

**Pkamru-yaglutano ga wa psagatanro pnunnu gixachro sima.**



Petanru ga wa putakyonganru:

-----

-----

-----



# Ngiwaka ga wa nyoklegiwaka

## Yimaklewatachro kamrutanrupa:

Panjigapkatanna ginrochine mturune TNI te.

Pumushikalewatanna satu shikalchi:

Ngiwaka ga wa nyoklegiwaka,

Xani wumatanru, kna giwakanwu(gepi kata)

¿Klu giwaki?, ¿klo giwaki?

Ngiwakni.....

Nuru wane pnute nunro gitaka giwakatno,  
numuwpotuta kgiwaka nixinri.

Pepomganna mturune ga wa mturone.

- ¿Gi china shikalchi?
- ¿Pejnuruneko mturune waneya giwakna ga wa yoklegiwakna?
- ¿Katu gitaka giwakatna ga wa yoklegiwakna mturune?

- ¿Katu gimata ginaka tkoshpakika TNI?

Sato TNI petkakanna mturune.

TNI petkakanna, gowukshini tsrone TNI te petkakanutnakna.

Pumugkalewatanna mturune:

- ¿Katunni?
- ¿Klu pirana wukshika?
- ¿Gi ge pixkagalunni pegnuruneko TNI?
- ¿Klu giknoga malesha wixinina TNI?

Sato gitakyongatkaluro penekanna mturune,  
giwaka-ymana, gowukshini pkamrutanru pugleretanru potu pagixanu-yma.

- ¿Gi ge gigleretlu?, ¿klu chinanu?
- ¿Katu gitaka giwakatgi?

## Pugnantakpotutanro TNI.



Petanru ga wa putakyonganru:

-----

-----

-----





Ngiwaka: .....

# Ginaka rawna kolyone, patlune, myamutune ga wa kapiripane

## Yimaklewatachro kamrutanrupa:

Satu kojita panikinna Shimane: kolyone, patlune, myamutune ga wa kapirine.

Ptuplakakanna mturune ga wa getpotutanu pchinanna.

Pshikalewyegitanna:

**“Shimane shikale”**

Satupje, gepi Shimane.

Gepkoxamkoje, pamyo Shimane, ranogatna gonga.

Pepomganna:

- ¿Gi ge pugleretlu shikalchi?
- ¿Gi pejnuna Shimane?
- ¿Kna giwakanni?
- ¿Gi ge xani pixkakakalunni?
- ¿Ginaka rawna?
- ¿Klu kigle-yna?
- ¿Klu nikaluru wumkata kamrureta twu shima-yma?
- ¿Klu giknoga gi wa wnigapkatiro?

**Shimane shikale pasrukinwa. Tsro Shimane yaglu pkamrutanu ga wa mturone yaglu koxa pkamrutanu.**



Petanru ga wa putakyongatanru:

-----

-----

-----



Ngiwaka: .....


# Getunggalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**




Petanru ga wa putakyonganru:

-----


-----

-----





# Wnikanrupa wutakanu





Ngiwaka: .....

# Tsru jijiya pirana

## Yimaklewatachro kamrutanrupa:

Ptuplakakanna mturune, pugkaklewyegitanna jijiya pirana.

### “Tsru jijiya pirana”

Satu yinergimni gamgana goshaya, jijiya yegikta yana.

Rujganimkatkaluna gimolene gi wa rukshikanruna.

Sato sensewlo rukshikna goshaya, wala gigkakna ginaka yapamtanna rumkata gikshikletyanapluna wa yinerni.

Rapokinitkana, gowukako retamtyanatkalu yinerni, sotlukta rixanatkalu jijiya, rumkagimatni jiji-yini kashichanatkalu yine, gowukshini yoxikanatkalu xirnamtanatka, wane pnute ranikatkalu yineru gipjina.

Gixo gogne giknoginitka, wane yapatnakna yine. Retgimtatkalu jijiya pagi gima rupchekyatkana shijijine, kakwalune, santira. Waneklutkani wale retlena yine, yinuwaka gitakletatkana.

Pepomganna mturune:

- ¿Klu piranni?
- ¿Gi pixkalu jijiya?
- ¿Ginnani yine gigkaklu gwachine?
- ¿Gi ge puglereta piranatlu?
- ¿Klumka xani giknoganu gi wa yoxikinrina jijiya?
- ¿Klu gipcheka jijiya pagi?
- ¿Klu wumatatka tye piranaya?




**Pshishkitgatanru gigkaklu gwachine, pupxalune-yma pumugkalewkakanu.**



Petanru ga wa putakyongatanru:

Three horizontal dashed lines for writing.





Ngiwaka: .....

# Wapatjeitanru wutakanrupa

## Yimaklewatachro kamrutanrupa:

Pnumnu gixajitachri panikanu, jiglokyawakna mturune. Maleka pushpakanu puyenewatanna mturune.

Gepi ptogi pkamrutanu, mturune ptogi ga wa mturone ptogi, kshinelaterune ptogi ga wa sapatiya waneyalune ptogi.

Satokinitkana yiglokyawakna wane paptogkaka reneksajiyatka kyapjerujitka.

Pepomganna:


- ¿Klu wetamtanu wapatjeitinipa?
- ¿Ginaka wugnantakajitanru?
- ¿Gi pejnu gogne wumretlu?

Pyonatanru rugitanrutkana mturune, ga wa panjitanna rapatajitanutkaluna.

Rukshikikowaka pujga yaglutinri A1.

**Pkamru-yaglutianru gitakluji magatachri ga wa wpoyagkakyaplu pamyo gitakluji satkaka masu.**




**Petanru ga wa putakyonganru:**



-----

-----

-----



Ngiwaka: .....

# Wutakajitanrupa

## Yimaklewatachro kamrutanrupa:

Sana panikanna mturune gitaklewatachine retanna.

Pepomganna:

- ¿Klu rutakna?
- ¿Gi ge kgimlu?
- ¿Gi rixpoko gitakota shiji?
- ¿Gi rixpoko gitakota kakwalu?
- ¿Ga wa santira?

- ¿Klu xani giknoganu garosoji, ga wa santiraji wutakinipa wannerutu ksate?
- ¿Klu xani giknoganu gi wa wutaklewatini?

Penekanna kamrurchi sure, ruglepokotanruna.

**Yonawapije-yma psusawotanru papatanru kajiruji.**





Petanru ga wa putakyonganru:

-----

-----

-----



Ngiwaka: .....

# ¿Klu chinanu ksaji ksujenro pejrini?

## Yimaklewatachro kamrutanrupa:

Pejri pirana pugkaklewyegitanna mturune.

### “Pejri pirana”

Wane gima tixa sato pejri. Koya gima tkamruta. Gi wa gima tumata gitaklu jimeka. Giyagni gima yine jimekate chowgujenata, rumtuwnapotutna yine. Pakatgima kashichanatkalona, shikgalu gima saga ksujetanatkalona. Giyagni xani gognenanu ksaji ksujerni pejrini jimeka chowguwle chinanu.


Pepomganna mturune:

- ¿Gi china piranata?
- ¿Katu gewi gwa piranata?

- ¿Gi rixanrona pejrini?
- ¿Ga wa pixa gimka pixpokotanunro pejripni?
- ¿Gi chinwu tye pirana?

Pumugkaklewatanna mturune gi wa kachogwurune rixinripna, ralukakanna.

**Psaga-yaglutano pejri ga wa pkamru-yaglutano chowgujetano.**




Petanru ga wa putakyonganru:

-----

-----

-----



Ngiwaka: \_\_\_\_\_

# Sana ga wa polerone

## Yimaklewatachro kamrutanrupa:

Pkamrutanru sato yagluchyegi polero-yma galnachine.

Pepomganna mturune:

- ¿Ginna koshichine gina rutaklewatinna yine?

Pajnakokpotutanru rugitikolu ga wa pyonataro yonamtatkaluro yegi.

Mturune chinanru.

Penekanna yagluchyegi polerone galnachine, pumugkalewatanutnakna mturune klunerni wa polero gannatanrupotu.

- ¿Kluneru koxa nikna polerone?
- ¿Klu chinanu sejrewnapotutna?

- ¿Gi papko ralnajetna ga wa shikalewatna?
- ¿Gi pejnu shiji rumkata nikletna?

Petkakanna kamrure surna ga wa pupxaka kamruretanna.


**Putakajitanru shiji stuga magatachri ga wa psagatanru gi pejnuji magata giswajyegi.**



Petanru ga wa putakyonganaru:

-----  
-----  
-----





Ngiwaka: .....

# Gi wixpoko gitakletanro kagka

## Yimaklewatachro kamrutanrupa:

Pumugkalewatanna girchine kagkaji renekashatyapyina. Wane pnute kajpa ksajiru, ga wa naylomapa kajpa rutakanruna.

Kagka gitakikowaka panikanna mturune, getanro pnunnu gixachro kagka. Wane pnute pepomganna gikta pixkakanni kagkane.

Pepomganna:

- ¿Gi tixpoko gitakota kagka?
- ¿Giklu wumkata jirgaletatkalo kagka?
- ¿Klu xani giknoga gi wa naylomapa wutakajgapkatinro kagka?


Gapokimpatka njiglokyawaka, penekanna satkaka naylomapa ga wa gepiji satkaka mturu.

Ksajiru chiji tsapatanna wane pnute rutakajitanruna ga wa jiglokyawakna rugnantakanruna.

Pkamrutanru satu yaglu, gepi jigloklu putaka giwakatanna mturune, ga wa kamru yaglutannya kagka giswajkaka.

Pkoshpakanro yonatkaluro, ga wa pekakgitanna mturune.

**Pkamru-yaglutannya gi tixpoko gipchekleta kagka ga wa tutakikolpatka.**



Petanru ga wa putakyonganru:

-----

-----

-----



Ngiwaka: .....

# Koshichine gakakachine-yma wgirukotanru sana

## Yimaklewatachro kamrutanrupa:

Pumugkakewatanna mturune gi rixpoko girukotkota sana.

Pepomganna:

- ¿Klu wutaka sana polerone wyokwitinripa?
- ¿Girixa wutaklu?
- ¿Klu sana rutaka koshichine gakakachri?
- ¿Gi pejnu koshichine gakakachri wumkata gitakleta tsru sana?

Wyenewatanu, polerone pgunapwu ga wa koshichine gakakachine koxa pgunapwu.

Pkamrutanru satu koshichine gakakachri jiwu, pugleretpotutanru-yma.

Giputu pushpakanu mturune-yma, peneksasuretanna gixo polero yaglu, ga wa satupje koshichine gakakachri, polero yaglu gwachine yotukamyotanu, polerone pixka rixanna.

## Wane pchinanna:

¡Pejnuruneko polerone walnamtanu sana shiji wnikapanu! koshichine gakakachri sana gitokote jiglokanna gi wa ruyoljetanna gi wa satoko polero gimkata galnaleta sana. Pumepetanru yenewlu, pejnurune mturune gimkata gixletinripa koshichine gakakachri.

Peneka suretanna mturune kamrurewatinropna, wane pnute pupxaka kamruretanna.





Rukshikowaka pujga yaglutinri A1.

**Pkoshpaka yaglutanru koshichine gakakachri ga wa pupxakanru ginakasretakokta sana.**



Petanru ga wa putakyongatanru:

Three horizontal dashed lines for writing.



Ngiwaka: .....

# Wupchikajitanru wutakanrupa

## Yimaklewatachro kamrutanrupa:

Ginrochine panjitanu shijiji, santiraji ga wa pimriji koxa panikanpixa.

Wale prika renekajitanyina mturune ganikajitanru.


Pepomganna klunerni, klu kigleylu, girixpokojita, klu giwakni, pyonatanru psoluko chinyayina mturune tsro kiruka sur-yegi, wane pnute pupchikajitanutkalu.

Wale prika getanru girixpokojitatka shiji wupchikanru, ¿klu giknoga?

Wane pnute tsro kiruka suryegi pyonatanutkalu rugitikolu.

Rukshikikowaka pujga yaglutinri A2.

**Pkamru-yaglutano santiraji, shijiji ga wa tsro masu pupchikajitinri.**



Petanru ga wa putakyonganru:

-----

-----

-----



Ngiwaka: .....

# Getunggalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**



Petanru ga wa putakyonganru:

-----

-----

-----







**Wuyolikanu  
ga wa  
wgirukotanna  
nikchine  
wnikanrupa**



Ngiwaka: .....

# Ginaka rawna nikchine goshgajene

## Yimaklewatachro kamrutanrupa:

Sato yagluchyegimta pekakgitanna mturune, goshgajene nikchine yaglu.

Wane pchinanna mturune, retanrona ga wa rugkakletanruna retanruna yagluchyegimta gajeru yaglu.

Pumugkaklewatanna retanruna.

Tye pumkata gepomgaletyana:

- ¿Kluneru geta yagluchyegimta yegi?
- ¿Gi pejnu nikchine wane?
- ¿Ginna nikchine gosha gwa?
- ¿Gi wixpoko girukotletanna?
- ¿Kluneru wumatatka?

**Pukshikanru, puptaka yonretanru ga wa psaga-yaglutanna kayatu, pejri ga wa mrixi.**




Petanru ga wa putakyonganaru:

-----

-----

-----



--	--	--	--	--

--	--	--	--	--

Ngiwaka: .....

# Nikchine gogi gwapkalune ga wa goyechno gwapkalune

## Yimaklewatachro kamrutanrupa:

Pkamrutanru nikchine gigojna pixkalutu, seyni gogipje yanachine:

Mrixi, jema, giyalu.

Goyechno gishpakachine: kayatu, kshoteru ga wa gipetu.

Pkamru-yaglutaru tkachi ga wa ksuru yaglu koxa.

Maleka pushpakanu pepomganna:

- ¿Klu kamrutna gogi?
- ¿Gipapko nikna?
- ¿Gipapko rumkana?

Puyenewatanna mturune, satu mturupni kgiyolikakleru.

Gepi ptogi pkotspalatinna, penekanna gigojna pixkalutu, wane pchinanna giyolikachine pixka wixa yenewletanu.

Tkachi yaglu pyotukinipa, nikchine goyechno gishpakachine yogimatanu, gogi gishpakachine gishpakanu, kgiyolikakleru gigkanna.

Ksuru wyotukinipa wkoprotakanru yenewlu.

Wyenewako pshini tsro sure putakyongamtanru gi pejnu nikchine gogi yanachine rugkana.

Wnikatimpatka wyantatanru gi pejnu nikchine rugka kgiyolikakleru.

Rugkalewatanna gipapko wumkata gigkaletlu gixo nikchi, gogi waka goyechno.

**Psagatanru paswajkaka, gi pejnu rugka kgiyolikakleru. Pugkalewatanu katu gixpotu nikchinni gigka.**




Petanru ga wa putakyongatanru:

-----

-----

-----



Ngiwaka: .....

# Ginaka rawna nikchine wuyolikini

## Yimaklewatachro kamrutanrupa:

Pepomgalewatanu gipejnuru gitseklu wane.

Ptuplakakanna mturune.

Pumushikalewatanna tye shikalchi:

Netlu, netlu, pagixanu

Klunerni, klunerni.

Getamtanro yagluchine-mta tye pumkata gepomgaletna:

Getanu gewi klu waneyno.

- ¿Klunerni?
- ¿Kluneru geta?
- ¿Klunu?
- ¿Klu kigleylu?

- ¿Gi pejnu wane?
- ¿Kluneru kamrutyaluna?
- ¿Gi pixkalutkakni?
- ¿Klumka giknoganu gi wa gitseklu wane gixini?
- ¿Ginakamka wyogimatatanu wuyolikinipa?
- ¿Kluneru wumatatka?

Rukshikikowaka pujga yaglutinri A2.

**Pupxaka yaglutatanru koshichi gitseklu malekate gwachri ga wa pugkalewatanu gi pejnuna gitseklu gitokote gwachine.**





Petanru ga wa putakyongatanru:

-----

-----

-----





Ngiwaka: .....

# Panchi wpuratinine nikchine

## Yimaklewatachro kamrutanrupa:

Sato ginrochi kaprijerero wsalwayegitanu.

Ralukanrona ginrochi mturune.

Mturune gimkata gepomgaletlo ginrochi.

- ¿Klo giwakyi?
- ¿Kluneru purata?
- ¿Kluneru nikna?

Sato kiruksure penekanna mturune ga wa mturone, kamru-yaglutunruna kluneru nikchi panchi gwachri rugleretpotutna ga wa ralukinipna, rutaka giwakanruna.

Renekanyina kiruksure, runganutkalona ginrochi, wane pnute satokanutkana jiglokyawakna.

Pupxakanro pejnuroko kamru-yaglutunruna mturune, yonawapishpata yegi, wane pchinanna mturune, rugkalewatanna gi rixpoko kamru-yagluretananna, pepomganna ¿Klu nikchine gi wa wumkata puratleta wupjiya?

Kaglijpapixkalatulu ga wa kaglijpa penekanna mturune, kamrutanruna rugleretpotutanruna.




Rukshikowaka pujga yaglutinri A3.

## Klu yaglu peta mayawle yegi.



Petanru ga wa putakyonganaru:

-----  
-----  
-----



Ngiwaka: .....

# Kluneru wugkiyna nikchine

## Yimaklewatachro kamrutanrupa:

Sato yagluchyegimta pkamrutanu,ga wa gixoplu nikchi gigkikolgapi.

Giyoliklu goshaya, (Yoygiruru, watachra, kaskiru)

Pumugkaklewatanna ga wa pepomganna:

- ¿Klu weta yagluchyegimta gajeru?
- ¿Kluneru-yma rugkakna nikchine gosha gajene?
- ¿Gi rixpoko kashichkota?
- ¿Katu gimkata kashretlu?

Penekanna gwicha mturune, getpotutanru pchinanna, ga wa rugkakanyina klu yaglu retna.

**Purogatanru, ga wa, psaga yaglutankoxlu pagixanu panchi gwachri.**



Petanru ga wa putakyongatanru:

-----

-----

-----



Ngiwaka: .....

# Gi pixkalutkakni kashri

## Yimaklewatachro kamrutanrupa:

Sato kiruksure penekanna mturune, mturone, sato tenyapachro pkamrukakanna, gowukshini maleka rushpakanna tenyapachrotna ralnakakanna.

Satu sotluji penekanna tenyapachro yegi rutakanruna, ralnakakanutnaklona tenyapachrotna.

- ¿Kluneru giknoga?
- ¿Gi rixa gi wa tumkata galnaleta tenyapachro sotluji-yma?

Pyonatanru ga wa rugimtanruna.

Pekakgitanna pnumnu gixachri kashri, panikanru jiglokyawakna mturune, pepomganna.

- ¿Kluneru kigle-ylyu kashri?
- ¿Gi ge pixkakakluni pejnuruko?
- ¿Klu chinanu satu kashri gimpotu?

**Kashrine putkapetanu munotgapka kosekanu ga wa ginolu kaptotanu.**







Petanru ga wa putakyonganru:

-----

-----

-----



Ngiwaka: .....

# Gi wixpoko gignantakletanru nikchi gitu

## Yimaklewatachro kamrutanrupa:

Wetanru gi rixpoko gignantakota nikchi gitu.

Wa tye pumkata gepomgaletyana mturune:

- ¿Klu geta?
- ¿Gi wixpoko gignantakletanru nikchi gitu?
- ¿Kluneru nikaluru wumkata kamruretyalu nikchi gitu?
- ¿Gi ge xani kigleru wumretyaplu nikchi gitu?
- ¿Katu gimkata gipxakletwu?
- ¿Ginaka wumkata gimretletlu nikchi gitu?

- ¿Giklu wumkata gimretletatkalu nikchi gitu?
- ¿Klu gimkata giknogleta gi wa wtuwutinri nikchi gitu?
- ¿Kluneru wumatatka?

Pkoshpakanro kirukamta, pekakgitanna mturune.

## Purogatanru kojita nikchi maleshayalutu.



Petanru ga wa putakyonganru:







-----

-----

-----





Ngiwaka: .....

# ¿Klu chinanu tsomnewgitutana nikchi gitni?

## Yimaklewatachro kamrutanrupa:

Sato ginrochi panjitanu psotsotaji nikchi gitu, tanikanru mturune jiglokyawaka, pekakgitanna mturune. Ga wa penekanna kiruksure, nikchi gitu yaglu-kamrutanna.

Wane pnute pushpakanu mturune-yma maleka, gi wa gishyagitumtanru nikchi gitu.

Rushpakimpatkana retamtanutnakluna nikchi gitu.

Pepomganna:

¿Kluneru giknoganru nikchi gitni? kamru-yaglutanutnakluna nikchi gitu.

Wane pnute wchanixanutnakna mturune, retapanutnakluna nikchi gitu.

Pepomganna:

- ¿Klu geta?
- ¿Kluneru xani giknoganru nikchi gitni?

- ¿Klu chinanu?
- ¿Gi pejnu?
- ¿Giklu wutakamtlu nikchi gitu?
- ¿Kluneru geta?

Satu nikapi putakanru nikchi gitu jiglokyawakna mturune.

Wale prika, pkotpukanru nikapi mturune-yma. Pepomganna:

- ¿Klu xani jiglokanru nikchi gitni?
- ¿Klu chinanu gi waluklu shishri jiglokyaplu nikchi gitu?

Pyonatanru rugitanruna ga wa retanruna, kamru-yaglutranuna kapetgogne retanatanruna.

## Giswajkaka pkamru-yaglutranu girixpoko gitukleta nikchi gitu.



Petanru ga wa putakyonganru:

-----

-----

-----



Ngiwaka: .....

# Getungalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**



Petanru ga wa putakyonganru:

-----

-----

-----





**Wjirganu, ga wa  
wgirukotanru  
gosha  
genekyawu**

# Katsnalu pirana




Wane gima rixatka satu




nachpotgimanru, gosha gima yapanata



, wane gima rukshikyalu gixo



ga wa tomgagimatna



Ngiwaka: .....

# Katsnalu gimatanune

## Yimaklewatachro kamrutanrupa:

Ptuplakakanna mturune shechimta yegi ga wa katsnalu pirana pugkaklewyegitanna.

Wane gima rixatka satu katsnalu nachpotgimanru, gosha gima yapanata, wane gima rukshikyalu gixo pama, wasluji ga wa jinri ga wa tomgagimatna rumatanune wane nikyatkana.

Gigkaklu yegi pekakgitanna ga wa panjitanna mturune, wale gigkaklu ruynumsatanruna yiglepotuko, gimyoji-ymana yokgimtanruna satkaka tokanchi ga wa yaglu yegi ruynumsatanruna.

Pepomganna gikta ruglereta piranatluna, ralukinipna satu nikawniyachri rutakanna gigkaklu piranyegi.


**Gigkaklu pirana puynumsatanu ga wa giswajyegi pkamru-yaglutaru nikawna piranatyawaka.**



Petanru ga wa putakyonganaru:

Three horizontal dashed lines for writing.





Ngiwaka: .....

# Ngirukotinwa gi wa nyayixinripa, nerkapotutanru kajiruji nnikanrupa

## Yimaklewatachro kamrutanrupa:

Pepomganna mturune gikta pagogne chingopnawatna ¿Klu chinanu kachingopnanru?, pjemanna chinyawakna, pugkakanna kajiruji jirgalu papkotkani pepomganna:


- ¿Kluneru gimkata giknogletanwu gi wa werkiniplu kajiruji wnikinipa, gi wa werkamyotinipa?
- ¿Klu wumkata kamrureta gi wa wyayixinripa?
- ¿Gi wixpoko nikletanru kajiruji ga wa nikaluru?

- ¿Gi gixpokotachri gonga wuranu?

Pkamrutanru satu giwakchiyegi mturune chinyawakya gi wa yayixinripna.

Penekanna kamruna kiruksure ga wa pupxaka kamruretanna mturune.

## Pyonapre-yma pkamrutsatanru yapamtyawakapa mturu gi wa yayixinripa.



Petanru ga wa putakyonganru:

---

---

---



1

2

3

4

Ngiwaka: .....

# Wumatletanru kpinrewakleru salwayegitwu

## Yimaklewatachro kamrutanrupa:

Kpinrewaklerune-yma pumugkaklewatanna mturune, jiglokyawaka runyapna. Ga wa mturune yimakanna, gi rixpoko gerka myoletanna, wane pnute powralu ga wa kigleru nikinripna.

Mturune ga wa mturone gerkamyotanu, romkagitanruna chinyawaka kpinrewakleru ga wa pagixagkaka gerkamyolu kigleyalu.

Wunganutkalu kpinrewakleru ga wa tye pumkata gepomgaletyana mturune.

- ¿Giklu werkamyotanu?
- ¿Gi wixpoko gerkamyoletanu?
- ¿Klu chinanu werkanru kajiruji ga wa pimrikaka?

Rukshikikowaka pujga yaglutinri 75.

## Pugnantakanru gomkagitachri yagluchi ga wa gerkamyotachine.



Petanru ga wa putakyonganru:

-----

-----

-----



Ngiwaka: .....





Ngiwaka: .....

# Suprunaji wapatjetanu

## Yimaklewatachro kamrutanrupa:

Walpokotanu ksatu gayinripa mturune-yma ga wa ginrochine-yma koxa.

Gepi ptogi kamrutanu, sotluji rapatgetanna poprololune ga wa klatalune, pamole papko chininri.

Satumnu ptogikaka yenewatanu, supru poji pixka rixanna ga wa gigapo koxa kamrutanna, sotlu klatalo rutakanna tonaji pmutapni wale.

Puptamyoyegitanna, suprunaji gapatjeru yenewatanna, gepi tsapa rutaka najitanrona retyapluna girukta gimpotu.

Ksatu yonatanna gagaje-yma, tsapa ginolpotu potukle putakanu ga wa tsapa munotu kegnete putakanu.


Giyampotu nikata tugletachine sotluji kanashkatanu.

Jiglokyawakna mturune gimkata yenewleta, retanruna girukta gimpotu, ga wa giru gi wa gimpotu.

Pkoshpakanro kiruka yonatanropna, Pekakgitanna mturune, wane pnute pupxaka kamruretanna.

Rukshikikowaka pujga yaglutinri A3.

## Pkamru-yaglutano suprunaji walansa putakanro.

 Petanru ga wa putakyonganru:

-----


-----

-----





Katatno seyni gi wa



Kagitno seyni gi wa



Tsrojno seyni gi wa



¿Klonerno?


Ngiwaka: .....


# ¿Wumatanru klu kajirujni?


## Yimaklewatachro kamrutanrupa:

Jinri, jinriji, yawero jinriji-yma kamrutkaluru. panikanu jiglokyawakna mturune.

Sato tsro kiruka pyonatanu wa tye chinyawaka:

Katatno seyni gi wa 

Kagitno seyni gi wa 

Tsrojno seyni gi wa 

¿Klonerno?

Jinri yaglu pkamrutanu, yonawapi shpata pupxakanro wane pnute pushyatanru sato tsro kiruksure-yma gi wa retyaplona mturune.

Yonawapi shpata pupxakanru, yiglepotuko puynumsatanru mturune-yma, pumyoji-yma pyokginanumtanru.

Sato mturo pkotpukakanu retyapluna kluneru wane gitoko, retpotutanruna ga wa rugkakanyina klunerni.

Petkakanna jinri, jinriji, yawero, ga wa wane pchinanna, kiglepotlu jinri jirgikolu, pepomganna mturune:

- ¿Gi gixpoko gimatletlu jinri rixinri?
- ¿Kluneru gimata jinri chinanu?
- ¿Gi wixpoko kamretlu gimatanshinikanru?

Penekanna kamruna sure ga wa pupxaka kamruretanna.

Rukshikikowaka pujga yaglutinri A4.

**Giswaji pupxaka yaglutanu, puynumsatanru gimatanshinikanru ga wa pkamru-yaglutanu.**



Petanru ga wa putakyonganaru:

-----  
-----  
-----



---

---

Ngiwaka: .....

# Gagaje kashkitalu wkamrutyaplu, wgirjiyaplu kajiruji

## Yimaklewatachro kamrutanrupa:

Panjigapkatanna girchine, gagaje gosha gajeru rawapanna gishkita jirgalu kigleyalu.

Maleka pnunnu ga wa pnunnu putakajetanru rugleretanruna rawanna mturune pepomganna:

- ¿Kuneru kigleylu?
- ¿Katu kamrutlu?
- ¿Kluneru je-yma kamrutka?

Pjemanna mturune ga wa pupxakanna.

Mturune gapatjetanru gagaje tunwatachri, retanruna gojeru ga wa mojetu.

Chiji puknokajetanru gagaje, yantatanruna girukta gowukpotu ga wa giru mojetu gagaje yegi ruptetanna mturune.

Ruglepokotanruna gagaje, mowukatu

yunuwakyawaka ga wa gowukalu yoptukyawaka.

Ga wa gowukalu yinuwakyawaka, mowukatu yoptukyawaka.



Penekanna kiruksure kamrurewatanna ga wa pupxakanna.

## Pomkagitanru gishkita kamrutikolu jirgikolupa yokgipi potuko rapokanu.



Petanru ga wa putakyongatanru:

Three horizontal dashed lines for writing practice.



Ngiwaka: \_\_\_\_\_

# Shichichi wjrganu ga wa wgirukotanru

## Yimaklewatachro kamrutanrupa:

Sato yonatkaluro shichichi yaglu pkamrutanu, chiji putaka gawatanru.

Yonatkaluro pekakitanna mturune, getpotutanro pchinanna.

Pumugkalewatanna mturune shichichi pirana.

Pepomganna:

- ¿Klu yaglu geta?
- ¿Gi pixka sagleru?
- ¿Gi pixkana?
- ¿Klu kigle-yna?
- ¿Ginaka wukshikyalu?

- ¿Gi pejnu wumkata jirgaleta?
- ¿Klu chinanu gi wa wumkata kayikletlu?
- ¿Kluneru giknoganu wkayikiniplu gimuna?

Pkoshpakanro gwichamta pekakitanna mturune.

**Puynumsakakanu pujiglokanune-yma gwicha pirana gapokanu. Psagatanru shichichi gagmuna rapukote gwachri ga wa purogatanru teno gwagawatachri.**




Petanru ga wa putakyonganru:


-----

-----

-----



Ngiwaka:



# Jinriju pixka wixanu

## Yimaklewatachro kamrutanrupa:

Jinriju pixkalutu rixa giyojjeretanna.


Satokinipna jiglokyawakna wa tye pumkata gepomgaletna:

- ¿Katu pixka gixa giyojjeretanu?
- ¿Klu chinanu gigleretlu tye yenewlu?
- ¿Gi gixpoko jemletnawa?
- ¿Gi pixkalo jinriju?
- ¿Ginaka rushpakya?
- ¿Gi wixpoko gapatjeretanru?
- ¿Kluneru giknoga gi wkoshpakgapkatinro?

- ¿Kluneru-yma wapatjetanru?
- ¿Klu giknoga tsapa ga wa tsapmapa wutakinro jinriju?
- ¿Kluneru nikaluru wumkata kamrureta jinriju-yma?
- ¿Gimka wixpoko girukotletanro?
- ¿Kluneru wumatatka?

Rukshikowaka pujga yaglutinri A4.

## Pamyo jinriju pyogwatanu gagaje-yma.



Petanru ga wa putakyonganru:

-----

-----

-----





Ngiwaka: .....

# Getungalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**





Petanru ga wa putakyonganru:

-----  
-----  
-----





# Wkamrupjitanu



Ngiwaka: .....

# Wyantachijitanru wkamrupjityawakapa

## Yimaklewatachro kamrutanrupa:

Maleka pushpakanu mturune-yma, satu gagapitsa ga wa wincha panikanu, pekakgtanna ginaka rumkata kamrutikota panchi.

Pepomganna:

- ¿Ginaka rawa kigleru chiji, panchi kamrutikolupa?
- ¿Gi pixkaplu chiji panchi gimkata kamrutikowaka?
- ¿Gipso pjipwu, gi wixpoko yantaletanru?

Mapa ptogi pkamrutanu (gagaje-yma pyoglotanru gipsopaktalu panchi) paptogi yantatanru chiji gjixi-ymana.


Paptogi yantatanru chiji gagapitsa-yma

Pimri ptogine yantatanru chiji yantapi-yma.

Nikatinpatkaluna paptogkaka getkakanna gipso pjina ga wa rugkalewatanna girixpoko yantaletluna.

Jiglokyawakna, penekinna sato gwicha, pupxaka kamruretanna mturune.

**Pyopukgatanru panchi ga wa pukshikanru mapa tsojriritu, gepkoxamkoje mpixkakaklutu, gepkoxamkoje pixkakaklu tajirutu ga wa poprololu ga wa serolu-yma psagatanru.**




Petanru ga wa putakyongatanru:

-----

-----

-----



Ngiwaka: .....

# ¿Klu pagixanu waneyapwu panchi wkamrutinipa?

## Yimaklewatachro kamrutanrupa:

Jiglokyawakna mturune rugkakanyina kluneru pagixanu-yma kamrutka panchi.

Rurna pixka kamrure rixanna kamrupjitanna:

Kartolina penekanna mturune kamru-yaglutunruna chinamtanruna, nikatimpatkana sato kojita rutakanrona sato kiruksure, maleka rushpakanna.

Ganikajputu putakanru kojita.

Mturune gwalo kirukamtaji kojita gwachro, rujganruna satu rumajiglokanune pixkalutu pagixanu waneyalune.

Pejnuruneko pixkalune pagixanu wane giximpatka, pagixanu china giwakatanna, girixpoko kamruretikota.

Pugkalewatanu klu pagixanu-yma wumkata kamrupjireta.

Penekanna kiruksure, ga wa yagluchikaka tnikawniyawaka gwachro kiruka.

## Pukshikanru pnuko gixachri ga wa purogatanru pyonawapre-yma.



Petanru ga wa putakyonganru:

Three horizontal dashed lines for writing.





Ngiwaka: .....

# Wuprikakanru gagaje panchi wkamrutinipa

## Yimaklewatachro kamrutanrupa:

Gagaje gosha gajeru panikanu jiglokyawakna mturune.

Satu gonga gitakikowaka putakanu ganikaji yonawapikwa.

Satu gagaje penekanna satkaka mturune, rugkakanyina rixpokotyaka, sagle ,tsernu, tennu, pixnu, sagatkaluru pepomganna giru gagaje popri ga wa giru gagaje kgawa.

Gowukshini gitoko gonga yegi putakanru gagaje.

Pepomganna:

- ¿Gi wixpoko giprikakletanru gagaje?
- ¿Ginaka wutakanru?
- ¿Gi pejnu gogne rupriganu?
- ¿Gi rixpokota gina gigakinri?

Maleka giputu gitakanru gagaje rupriginripa, gyonatanru gipapko gemewaka gitaklu gagaje, gapatjetiniplu waneklu koxa pyonatanu gipapko pugnantaklu, gi wa pamtakanru klu gogne putaklu gagaje.

Penekanna kiruksure, pupxaka kamruretanna mturune.

Rukshikikowaka pujga yaglutinri T2.

**Puglepokotanru gagaje ginaka putakamtanru kiruka shpatyegi gepi jiglokle waneyalutu yegi.**





Petanru ga wa putakyongatanru:

-----

-----

-----



Ngiwaka: .....

# Panchi tskero wkamrutanu

## Yimaklewatachro kamrutanrupa:

Pepomganna mturune:

- ¿Ginaka getyalu panchi tskero?
- ¿Klu gagaje rutakgapkatanna kamrutinipluna panchi ?
- ¿Kluneru-yma rostutanruna gagaje?

Satu panchi wgene nkamrutanu pchinanna mturune jiglokyawakna.

Pepomganna gi gixpoko kamruretlu panchi?, rugkaklewatanna girixpoko kamruretlu panchi.

Penekanna kiruksure kamrutanruna kamruna.

**Poyagkakanru gagaje wnikatyaplu panchi tskero kogkakejeyempotuko rapokanu pamole (10) gagaje.**



Petanru ga wa putakyonganru:

-----

-----

-----



Ngiwaka: .....

# Gi pejnu nalsure walukanu washipjitinripa

## Yimaklewatachro kamrutanrupa:

Pepomganna mturune gikta rumatna ginaka koshpakika nalsure. Panchi kamrutinripna, gikta rumatna washichluna panchi kamrutinripna.

Pusawlatanna psoluko pokchi wane retinrina gipixkalu washre.


- ¿Gi ge peta girixpoko kamgaletluna nalsure ga wa girixpoko washichkota panchi?
- ¿Gi pejnu sure xani wutakanru panchi?
- ¿Gi pejnu gogne nikata kamruretuna panchi?
- ¿Ginaka yinuwaka washichkotya panchi?

Psatokimpatka jiglokyawakna mturune, pugkakanna gi rixpoko washichkota panchi.

Penekanna kiruksure, pupxaka kamruretanna.

Rukshikikowaka pujga yaglutinri T3.

**Pwashichanru panchi, pyantatanru gi pejnu surlu nala.**




Petanru ga wa putakyonganru:

-----

-----

-----



Ngiwaka: .....

# Chiretumta wutakapjitanu

## Yimaklewatachro kamrutanrupa:

Getpotutanru njiglokyawaka pchinanna mturune.

Rugkakanyina ginaklu prijeru, gonotikowaka-swa, washre, gipgapto, chiretumta.

Pepomganna:

- ¿Kluneru-yma kamrutyaluna?

Pyenewkakanna jiglokyawakna chiretumta yegi, pepomganna, ¿gi rixpoko kamruretluna?

Pkamrukakanna chiretumta pixkaloto gagaje-yma, wane pnute pkamru ptogitanru gagaje gojerkakalu.

- ¿Klu pagixanu wutaklu gikwale?
- ¿Gi tixpoko koshpakota chiretumta?

- ¿kluneru-yma koxa wutakanru chiretumta yegi?

Pekakgitanna kiruksure, satkaka gitakanru chiretumta gipjina yegi.

Rukshikikowaka pujga yaglutinri T4.

**Pustakanro chiretumta pupji puglepokpotutanru ga wa pugkaklewatanu kluneru pagixanu-yma tuggomtatka.**



Petanru ga wa putakyongatanru:

-----

-----

-----





Ngiwaka: .....

# Wapata kamrurewle pixka wixa yenewletanu panchi gwene wkamrutanu

## Yimaklewatachro kamrutanrupa:

Palpokotanru pagixanu kamrupjitinripna. (gagaje, nalsure, tsapi).

Mturune pepomganu:


- ¿Gi rixpoko kamrupjiretna yine?
- ¿Kluneru-yma kamrutluna?
- ¿Katu gimkata gipxaklewleta?
- ¿Kluneru wumatgapkatanu panchi wkamrutinipa?
- ¿Girni panchi psojtkaka?

Mturune pkamrukakanu satu panchi wgene jiglokyawakna.

Wane pnute penekanna gwicha kamrurewatinripna gipxakachro-yma kiruka stenyegi.

Rukshikikowaka pujga yaglutinri F1.

**Satu panchi pkamrutanu, gipxakachro-yma, kiruka stenyegi gwachro gagaje yaglu yma.**



Petanru ga wa putakyonganru:

-----

-----

-----



Ngiwaka: .....

# Watjiru gajpokapjitanwu

## Yimaklewatachro kamrutanrupa:

Pepomgalewatanu katu yine nikata kamrupjiretatka.

Pumugkaklewatanru kapjiru ga wa tsru kgimatkaleru rumkata getletyapluna girixpoko gajpokletlu panchi.

Gi wa gyenewatanu pchinanna mturune, tuplatanna retyapluna girixpoko gajpokota panchi, ma rumtutewna gapkatinripa panchi.

Rali getletimpatkaluna, ruptetanna chiretumta gogo, yagotanruna panchi gikta shikopjiru.

Pepomganna:

- ¿Klu geta?
- ¿Girixpoko kamrutkota?
- ¿Klu chinanu rajpokluna panchi?
- ¿Klu-yma rajpokluna?

Penekanna kiruksure kamrurewatyapna, pupxaka kamruretanna.

**Pkamru-yaglutranu satu panchi paluka kamruretannu wale rajpokanna.**



Petanru ga wa putakyongatanru:

-----  
-----  
-----



Ngiwaka: .....


# Getunggalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**



Petanru ga wa putakyonganru:

-----

-----

-----





# Wnikanrupa wjirganu





1

2

3

4

Ngiwaka: .....

# ¿Kluneru tugkakagnaputwu jixolu?

## Yimaklewatachro kamrutanrupa:

Pumutuplatanna mturune jixolu pirana jeminripna.

Pugkaklewyegitanna:

### “ Jixolu pirana”

Muchikaw-gima wanero sato suxo jixolu. Gi wa gima taluka kamrurewleta, tsrugkaka rixin-gima tumkagognenata. Wane gima chinna yine walanwa sato suxo kigler-potu, gipshini jiwutsa gima nanuktalo. Pagogne gima satu yineru galuka chogwuretanro, gowukgima raluka ganikletanro, wa tye giknoginimpatkalo tpikpotgimatana gixolu suxni. Gichko sapple potgimanro, giyagni yinerni rummyekpotutana, gosha rasukanatka, waneklu gognenanutka gixolu suxo shikalewatini wumatatka waneklu wumkata jirgaletatkalu wutakle.

Pepomganna:

- ¿Klu giwakni gigkaklu?
- ¿Kluneru piranni?
- ¿Ginna yine gigkaklu yegi gwa?
- ¿Klu giknoganro jixolni?
- ¿Gi tixa jixolu ginapuklu?
- ¿Gi tixa jixolu walapuklu?

Rukshikikowaka pujga yaglutinri F3.

**Puynumsakakanu pupxalune-yma pkoshchekgiwakatanna gipirana gwachine ga wa pugnantakanru gomkagimtachri pirana ga wa pshashkitgatanru yineru gimatkaluru.**





Petanru ga wa putakyonganru:

-----

-----

-----



Ngiwaka: .....

# Gonga jimlekgatachri wuranu

## Yimaklewatachro kamrutanrupa:

Jiglokyawakna panikanru gepi potiryane, sato gonga-yma wenu gajeru, sato potirya gike waneyaluto.

Nikaprikatimpatkana, pjiglokanu nikyawakna palukanro ginrochi, pepomganro gikta gonga gimlekgatachri waneylo. Maleshaya tixinipa, pixa giwlagatanru gonga, pekakgitanna mturune, gonga pjimlekgakakanu potirya putakgatanru.


Jiglokyawakna, gepiko potirya putakanu.

Pepomganna:

- ¿Giro potirya yegi wutaklu gonga jimlekgatachri?
- ¿Gi wixpoko gimatletlu?

Pugkakanna mturune girixa gonga gimlekachri wuranu, gi wa wyayixinripa.

**Pkamru-yaglatanru gonu muwlagatkotu waneyalutu ga wa purogatanru mturu gonu muwlagatkotu girachri.**

 Petanru ga wa putakyonganru:

-----

-----

-----



Ngiwaka: .....

# Watjiru gigkakwu klu wumatanu wjirginipa

## Yimaklewatachro kamrutanrupa:

Polerone yaglu pkamrutanu. Potukle pupxakanru.

Mturune pepomganu klu chinanu gixo polerone galna ptogita sanaya.

- ¿Ginna gisanate geta galnaletyana polerone?
- ¿Kluneru ruglereta nikletna?, ¿gi rixpoko shikalewletna?
- ¿Ginaka koxa getyana polerone?
- ¿Ginaka pnuko rixyana pimrine-yma?
- ¿Gi ge nikchi pixka rixna?

Maleka wushpakanu, wuyenewatanna mturune polerone pixka wixanu, shiji ga wa garoso wnika pgutatana.

Polerone pixka wixa shikaletanu, wane pnute polerone pixka wixa galnaletanu, gigkalewatanu gi wixpoko getletnawa polero pixka gixa galnalenatini.

Jiglokyawakna pekakgitinna, polero yaglu ga wa nikchine yaglu. Getpotutanna ginaka pnuko rixyana, gi pejnuna.

Pepomganna:

- ¿Ginna gimtapje waneya?
- ¿Ginna kapixi?
- ¿Ginna gimkata galnaleta?

Pugkaklewyegitanna, wane pnute kiruksure penekanna kamrurewatinripna.

Rukshikikowaka pujga yaglutinri F2.

## Puynumsatanru chinanruna, girixpoko kamrutkota maskara. Pyenewatanu.





Petanru ga wa putakyongatanru:

-----

-----

-----



## Gigogne

Giwaka \_\_\_\_\_:

Mturunepotu jiglokyawaka \_\_\_\_\_ galukgi ga  
wa wugkakyi kapetgogne \_\_\_\_\_ wushinikanru,  
wsalwayegitanyi ga wa wupxaka jirgaletanyi shiji.

## Poyagnu

Mturune jardín gajene ga wa pronoei gajene koxa.

Ngiwaka: .....

# ¿Katu nomolene jirgalni?

## Yimaklewatachro kamrutanrupa:

Mturune pusalwatanu shiji sana, rupxaka jirgaletanyina.

Repomgalewamtanna mturune katu jirga gisanatetanutka.

Waleprika pepomgalewatanu:

- ¿Gi wchigkaka kapetgogne?
- ¿Klumka wepomgalewatanu?
- ¿Katu molenni?
- ¿Gi ge gowukni sana, gi ge gwipotukni sana?
- ¿Giklu jirga gitakletanutkana?
- ¿Tye gogne? ¿Yechikawa?
- ¿Waka kapetgogne jirgatkana?

Kgisanatero wyonyegitanu, tkagwakyapwu tusanateya.

Sato tsro kiruksure, pyonatanru mturune gigitanru. ¿kna giwakanni wumolene? ¿klu waluka ganjiretlu? ¿giklu? ¿ginaka?

### Gigogne

Giwaka \_\_\_\_\_:

Mturunepotu jiglokyawaka \_\_\_\_\_ galukgi ga wa wugkakyi kapetgogne \_\_\_\_\_ wushinikanru, wsalwayegitanyi ga wa wupxaka jirgaletanyi shiji.

Giyagni wangityi, yechikawa pusanate gayinripa.

### Poyagnu

Mturune jardín gajene ga wa pronoei gajene koxa.



**Serolu-yma pyonatanu tye gogne, poleru-yma pyonatanru kapetgogne, pwalolu-yma pyonatanru yechikawa gogne.**



Petanru ga wa putakyonganru:

-----  
-----  
-----





Ngiwaka: .....

# Ginaka wugnantakanru wjirganrutka

## Yimaklewatachro kamrutanrupa:

Gimtutewnachri gitaklu putakanu sato taso yegi, ga wa sato taso putakanro kiglejiru.

Petapanru ginaka rugnantakluna yine jirganruna, ginrochine gimotsatanna mturune.

Satokimpatkana jiglokyawakna, pekakgitanna moglejitu, ga wa kigle jirkoxa pekakgitanna

Pepomganna:

- ¿Klu weta gewiya?
- ¿Klu chinanu kigleji-yna pimrine, ga wa pimrinni gimtutewnajityana?

- ¿Gi rixpoko gignantakletluna panchi wetapyawaka?
- ¿Klu wkamrutanu wugnantakiniplu wjirganrutka?
- ¿Klumka giknoganunru gi wa kigle gignantakle wixininri?

Penekanna kamruna sure wane pnute pupxakanunna.

**Pkamrugapotanru sana kamrukleru yapamtyawakapa garoso kiglero ranikinripa gipji ga wa papoyi garoso kiglero wenu sreta ranikanu.**



Petanru ga wa putakyongatanru:

-----

-----

-----



Ngiwaka: .....

# Pagixanu wjinripa

## Yimaklewatachro kamrutanrupa:

Girchine wanjitanu pagixanu jirgikolu ranikanna jiglokyawakna mturune (sawli, kojita, kostalmapa) tsapa pyoshmakanru mturune ma metyanuplu.

Ptuplakakanna mtukrone.

Pepomganna ¿Klu wane tsapa gitokote?


Rugkakanyina kluneru wane tsapa, gowukshini pkotpukanru tsapa pekakgitanutkana kluneru wane gitoko, mturune gigkaka giwakamtanyi pagixagkaka retanruna.

Pgirukotanna mturune xako ragijewnapna.

Tsapa yegi pugnantakanru pagixanu ga wa penekanna kiruksure kamrurewatyapatkana.

Rukshikikowaka pujga yaglutinri A4.

**Sana kamrutachri pupxaka giplepokletanu pagixanute.**





Petanru ga wa putakyongatanru:

-----

-----

-----



Ngiwaka: .....

# Wjirganru poroto, garroso, kakwalu

## Yimaklewatachro kamrutanrupa:

Palpokotanru ga wa gepi pnumnu gixa mapatachri penekanna satkaka mturu, sato garroso mapa, satu kakwalu mapa. Gi wa retanruna gitoko gwachri, tsapmapa yegi.

Pepomganna klu wane gitoko tsapa, rugkakanyina gitoko gwanatachri.

Pjemanna chinyayina, pepomganutnakna, gijine chininipyina, pepomganna, ¿kluni?

Psoluko ginshinikanna rutakanna, rutakyagokanruna ginolu.

Papatjetanna tsapmapane, penekanna kiruksure kamru-yaglutunruna klunerukta wane tsapmapa.

Kiruksure penekanutkana.


## Pyokgitanru ginaka rushpakya nikchipro palatote gwachri.



Petanru ga wa putakyonganru:

-----  
-----  
-----

# Ginchikapi



Gonu-yma tjimlekakoklunu 



ga wa



koxa

rutaka ga wa pshinitsonkaka

koypetluna ganikaji gora, wane

pnute



rutatkaluna ga wa

rutspakatkana.

# Pnumnu gixachri nikchi wumkata kamruretanru

## Yimaklewatachro kamrutanrupa:

Ginrochine panjitanu ptsotsotagi jirganruna sanaya, (garroso, porotoji, kakwalu, shiji) satu yapjeru pkamrutanu ginchikapi nikaluru.

Pyiyawakapa mturune yenewjetyawaka putakanru ranikanruna ginrochine, mturune getyaplu.

Pepomganna:

- ¿Klu xani ranikna ginrochine wjiglokyawaka?
- ¿Klu wumkata kamrureta watye-yma?
- ¿Gi wixpoko kamruretanru nikaluru?
- ¿Klu gapka wkamrutanu nikaluru wuwlatinipa?


Gerkamyogapkatanu pchinanna mturune gnikinripa, ga wa pagixanu giwlatanru koxa geropotutanu powralu giwlatanu.

Mapa ptogi pkamrutanu kirukamtaji-yma: kakwalu, garroso ga wa poroto ptogine kamrutanna ruwlatyapluna nikaluru: Gwani poyi, kakwalu sroga, garrosga.

Rugkakanyina klu pagixanu jigloklu nikaluru yegi, ga wa girixpoko kamrutkota.

Ginchikapi kamrutikolu pekakgitanna mturune ga wa pumuynumsatanna yiglepotuko.

**Yapjeru puynumsatanu girixpoko kamrutkota ginchikapi.**



Petanru ga wa putakyonganaru:

-----

-----

-----





Ngiwaka: .....

# Getungalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**




Petanru ga wa putakyonganru:

-----


-----


-----





**Wumyo-yma  
wkamganrupa**





1

2

3

4

5

Ngiwaka: .....

# Shwamkalo yimaka kamgaletwu

## Yimaklewatachro kamrutanrupa:

Kiruka ruynumsajetyawakna panikanna mturune, wane pugkalewyegitinna:

Pagogne gima sato suxo yine, gi wa gima tumata kamgana, tushinikanuwa gimanata gi wa gima tumata klu tkamrutanuna. Giyagni gima sato shwamkalo teta kamgalenatlo, wala gima tanji gimatkaleta, wane gima chinro:

¿Paluka kamgaleta? paluka kamgaletinipa wapgutsa gapka pkamrutanu chinyawaklo potuko gima tkamruta, tutakgapkagimatlu wapgu wane pnute wapgu tjirga, tjiigalu, tjiwetlu, wane pnute tsagitsatkatlu pnumnu gixachri-yma pnumnu gixachri sagletsa. Wane rixa gimata kamruretuna koshma, tsapa, mkachrinama, shikra. Gixo pagixanu kamrutna, shwamkalo suxo chinanu rumata kamgalenatatkana wumolene yine.

Pepomganna:


- ¿Kluneru wjema?
- ¿Gi china piranata?
- ¿Katu yine wane gwa piranata?
- ¿Katni suxo putgana?
- ¿Katu yimaka kamgaletlo yinero suxo?
- ¿Klu pumkata chinreta kamgalu pirana chinanu?
- ¿Klu pugleretpotuta tye piranaya?

Rurna ga wa runrona rugkalewyegitanna jemanatanrutkana.

Kiruksure penekanna gipxatkalurkoxa, wane pnute myochi-yma koshpakaluro. ( B xxx) pupxaka kamruretanna mturune.

Rukshikowaka pujga yaglutinri F3.

**Gipxamtatkaluru pujganu gigkaklu yegi, pustakanru, puglepokotanru, pupxakanru ga wa pupxalu pugkalewyegitanu.**





Petanru ga wa putakyongatanru:

-----

-----

-----



Ngiwaka: .....

# Nashchi ga wa wumyonota gitakaluro wkamrutanu

## Yimaklewatachro kamrutanrupa:

Ginrochine panjitanu nashchikaka, ga wa chakira, mturune jiglokyawaka ranikanruna, tuwutujimta koxa pimrine kamganro koxa ranikanna.

Mturune pepomganu gikta rumatlona wumyo nota gitakaluro, rugkakanyina girni yine kamganro, ga wa pnuko gixachro.

Gepi ptogi pkamrutanu: paptogi gepkoxamkoje walaputerune-yma, paptogi pamyo walaputerune, penekanna tuwutuji ga wa gitsa.

Giptajrutachri nkamrutanu, gi wa gyoswajitanru, gowukshini wumyonota gitakaluro, naylotsa-yma kamrutanruna gepkoxamkoge walaputerune, ga wa pamyo walaputerune kamrutanru nashchi naylotsa-yma.

Kamrurna pugkakanna, gomkagitachri rugkakletanna.

Kiruksure penekanna kamrurewatiripna mturune.


**Pnikata kamruretanro suxo naje, petamtanro gitixpoko yinuwakleta wane potuko pixamtanro.**





Petanru ga wa putakyonganru:

Three horizontal dashed lines for writing.





Ngiwaka: .....

# Jiwruṣa wsagatanu tḷipi-yma ga wa ksajjipalu-yma

## Yimaklewatachro kamrutanrupa:

Panikanro sato ginrochi gimata yoshmopchogitachro, pagixanu tsagatinripa tanikanu, wane pnute psoji jiwruṣa, tyimaka yosmopchogletanna mturune.


Pepomganna mturune, gipixka saglero tḷipi, gipixkalu ksajjipalu.

Penekanna tempera serolu gawa pwalolu ga wa sato masu wane rutakanruna, gowukshini pkoypekanru petanru gipixkalutu gishpaka.

Wale-yma sagatanruna ralukanruna.

Penekanna kiruksure kamrurewatanna mturune.

## Psagatsatanru wapgutsa, tsapmapa koxa rixyawakpotuko.



Petanru ga wa putakyonganru:

-----

-----

-----



A large rectangular frame containing ten horizontal lines. The left side of the frame features decorative patterns: a wavy line at the top, a cross-hatched area, and three rows of different zigzag patterns.

Ngiwaka: .....

# Wkamrumkatanna wumatletanune yine, mkachrinama ga wa koshma koxa

## Yimaklewatachro kamrutanrupa:

Mturune puyenewatanu “kanawa gimxikachro” giputu wane pchininna mturune, tuwjewjeta kanawa, taluka giprotakleta, gepijepje kanawa wanero sato mturunenu ga wa sato mturonenu, puptyamyotanu. Pejnuruneko suxone gatskotanro kanawa, puptyamyotanutnaka ga wa pejnuruneko mturune gatskotanro kanawa. Rugleretinipluna puyenewatanutnakna, seyini pnuko pchinatnakna mturune.

Paptogkaka mturune ga wa mturone penekanna sato tsro kiruka gipxakaluro, satu plomo yonawatinripna koxa penekanna. satu mturu galukachri gikluganu tsro kiruksure yegi wane plumo-yma kamrumanetanruna.

Mturo mane kamrutinrina tomkalnama ga wa mturune kamrutinrina koshma.

Penekanna kiruksure, kamrurewatinna, satu tiferu rujganna, F(xxx) kamrumkatanruna ga wa ransakakanruna.

**Pnkikata kamruretanru mkachrinama ga wa koshma koxa, pyongi wakatanru rapuko sreta putakanru.**



Petanru ga wa putakyongatanru:

Three horizontal dashed lines for writing.



Ngiwaka: .....

# Wunro yimaka kamruretww kojita

## Yimaklewatachro kamrutanrupa:

Gepi kojita putakanu, pyenewatanu mturune-yma, giputu putakanru kojita, gakatsreksagitkaluro-yma puknopjetanu kojita gitoko pyoshmakanro. Gepi ptogi kamrutanna, rutaka giwakinwana. Pyongiwayatanna tsro kiruksure, pupxakanro yonawapi shpata yegi.

Giputu pushpakanu mturune-yma, gepitsa kamrutanna satkaka kojita sreta.

Pepomganna

- ¿Katu gapka koseka?
- ¿Katu gomkagitlu?
- ¿Katu nikawninri yegi gwa?

Pamole pelotsagi penekanna paptogkaka,

puptamyotinipa ruknakanrona pelotsagi kojita gitoko ruknakanrona mturune. Nikatimpatkana, pyantatanru gi pejnu pelotsagi yoshmakna paptogkaka.

Satokimpatkana jiglokyawakna penekanutkana sato tsro kiruksure, paptogkaka, wane pchinamtanu, katu yoshmaka gapkata, katu gomkagita, katu kapto potu yoshmaka.


Rukshikikowaka pujga yaglutinri A4.

**Putakanru sawli yinuwachri yegi, tsru kojita gomkagityawaka ga wa mturo kojita kaptotyawaka putakanu.**



Petanru ga wa putakyonganru:

-----  
-----  
-----



Ngiwaka:



# Shikra mapa wkamrutanu

## Yimaklewatachro kamrutanrupa:

Sato shikra mapa panikanu jiglokyawakna mturune, pekagityapna, wane pnute pyimaka kamruretanna.

Getpotutunu pchinanna, ga wa gigkalewatanu girixpoko kamrutkota.

Pepomganna:

- ¿Gi pixka sagleru?
- ¿Klu kamrutyaluna shikra mapa?
- ¿Gi rixpoko kamrutkota shikra mapa?
- ¿Ginna yine kamrutlo shikra mapane?

Wane pchinanna mturune, satu pguta plomo pyonatinripa wane-ygi gimyoya, ga wa teno pumyo-yma pkamrutanru shikra mapa, gowukshini wane pchinanna gimkata kamruretlu psoluko gigleretanru gimyo-yma teno. Pumepetanru gixkata petanna klu yonatna kegnete-sreta ga wa potukle-sreta.

Pukamrutanna gwicha, pupxaka kamruretanna mturune.

**Pyonatanru shikra mapa yonga ga wa pyongiwakatanro saxpatachro.**



Petanru ga wa putakyonganru:

-----

-----

-----





Ngiwaka: .....

# Wumatanru Pagixanu wkamginripa

## Yimaklewatachro kamrutanrupa:

Shechimta, nalsure ga wa katslu sure kamrutinrina, panjitanna ginrochine.

Malekputu ptuplakakanna mturune, shechimta gogo.

Pepomganna:

- ¿Klu gogo wtuplata?
- ¿Katu xani kamgalu shechimta?
- ¿Kluneru-yma kamrutluna?
- ¿Gi pejnu gogne xani kamrutluna?
- ¿Gi pixkalutu shechimta wane?

Gepomgalu rugitna mturune ga wa rugkakanyina giru pnuko gixa.

Kiruka tsa penekanna, paptogkaka, nkamrutanru satu shechimta gigleretpotutanru. Potukle gitakanru shechimta nkamrutanru, gigkalewatanu gi gixpoko kamruretlu.

Kamrurna sure penekanna, pupxaka kamruretanna.

**Kiruksure-yma gistajitkaluru, pkamganru satu shechimta, ga wa pupxakanru.**





Petanru ga wa putakyonganru:

---

---

---



Ngiwaka: .....

## Kiruksure wkamrutinri gepnopi

---

Petpotutanru girixpoko kamrutkota ga wa satupge gepnopi pkamrutanu.  
Psagatanru satu jiswagi gi pejnu gepnopi pkamruta.



Ngiwaka: .....

# Kiruksure wkamrutinri gepnopi

## Yimaklewatachro kamrutanrupa:

Penekanna mturune kamrurna sure retyapluna ga wa pyimakanna girixpoko kamrutkota gepnopi kiruksure-yma.

Pekakgitanna girixpoko kamrutkota, rugkalewyegitanyina girixpoko kamrutkota.

Penekanna kiruksure kapto kiruka steno gwachro, kamrutanruna gepnopi kiruka sure-yma.

**Petpotutanru girixpoko kamrutkota ga wa satupge gepnopi pkamrutanu. Psagatanru satu jiswagi gi pejnu gepnopi pkamruta.**



Petanru ga wa putakyonganru:

Three horizontal dashed lines for writing.



Ngiwaka: \_\_\_\_\_

# Getunggalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**



Petanru ga wa putakyonganru:

---

---






---







¿Klu wumkata  
kamrureta  
kaglijpa-yma?



Ngiwaka: .....

# Gayo pirana wjemanu

## Yimaklewatachro kamrutanrupa:

Sato kagli kamgikalurkaka panikanu jiglokyawakna mturune. Wane pnute pimrinerune koxa gashgagre panikanu, ptomganna mturune shechimta yegi ptuplakakanna, retyaplona gashgaji.

Pugkaklewyegitanna tye pirana:

Muchikawa gima yine gi wa gima rumatapluna kaglijpa, wane chinna yine gayo gima gwalu tsru kaglijpa pgi, wane gima rugnantaklu pnumnu gixachro gimatu kaglijpa-yma kamrutkaluro.

Sagkaklupje gima rushpaka gayo, gachicho ranika kapalu gwapachine yine rachichotinripa. Pagogne gima satu yineru gikshikapjitlu gayo, wane gima chowgu kaglijpaletyanru. Wale chinanu gima xani yine gimata kamrutatkalo gimatu kaglijpa-yma.

Gepi kagli kamgikalurkaka pekakgitanna, ga wa pepomganna:

- ¿Kluneru kagli kamgikalurkaka yimakwu gayo?
- ¿Gi pixkalutu kagli kamgikalurkaka kamrutna yine?
- ¿Kluneru kigle-yna?


Pekakgitanna kiruksure pupxaka kamruretanna.

**Psagatanro kagli kamgikalurkaka yine kamrure ga wa putakgiwakanru satkaka.**



Petanru ga wa putakyongatanru:

-----  
-----  
-----



Ngiwaka: .....

# Punro pupxaka gignantakletanu gimatu

## Yimaklewatachro kamrutanrupa:


Pejnuruneko yogimatanu mturune jiglokyawakna, pejnuruneko wukshikinitka pepomganna, ¿ginaka gyogimata?, ¿gi rixpoko gikshikletyina? pepomganna, ¿gi ge wumkata yogimletlu pimrine pagixanu njiglokyawaka? Wetanru yapkaku: gagmuna shpatane, panchipji yewatinna mturune, palatotna kamrurchi yewatyawakna mturune, gikshikanru pagixanu gyewatinri, rawanatyawaka wutakanru.

Pepomganna mturune:

- ¿Ginaka tughnantaklo punro tumate?
- ¿Kluneru tughnantaka gitoko?
- ¿Gi pejnu gimatllo?
- ¿Klu kigleylo gimatlone?, ¿gipixkana ?

Rukshikikowaka pujga yaglutinri A5.

**Punro pughnantaka gimatlletanu, mturongapka pyinuwakini ga wa tsropotunanuko.**



Petanru ga wa putakyongatanru:

\_\_\_\_\_

\_\_\_\_\_

\_\_\_\_\_



Ngiwaka: .....

# ¿Kluneru-yma wsagatlo gashgaji?

## Yimaklewatachro kamrutanrupa:

Mturune pekakgitanu gashgaji sagatkaluro ga wa sato gashgaji msagatkoto, retpotutanrona ga wa rumugkaklewkakanna:

- ¿Kluneru geta?
- ¿Gi pixkana gashgajine?
- ¿Klu tmagatya gashgaji?
- ¿Kluneru-yma wumkata sagletlo gashgaji?

Tsro kiruksure penekanna wane pnute tempera serolu, ksajiru koxa penekanna, wane pchinanna mturune giptogi nkamrutanu wane gyonatini yine yonga.

Petpotutanro punro tumate tyonatinipa pupjiya.




**Petamtanru girixpoko yonretka wane pixka potuko pixamtanru. Pnikata kamruretanru gomkagitachri.**



Petanru ga wa putakyongatanru:

Three horizontal dashed lines for writing.





Ngiwaka: .....

# ¿Kluneru-yma tsolugatka koya gishririklu?

## Yimaklewatachro kamrutanrupa:

Ptuplakakanna mturune, tye shikale pushikalewatanna.

**“Kajpapago kiglero”**  
(gepkata)

Kajpapago wane-yno, poprolo wgenejro.

Koya waluka girletini.

Nyonogitanu nuxpakinripa, (gepkata ) (titera shikale)

Mturune pepomganu:

- ¿Gi china shikalchi?
- ¿Klu kigleylo kajpapago?
- ¿Katu kashichlo kajpapago?
- ¿Kluneru ruryaluna koya gishririyegi?

Ga wa nikatinrina koyga.

- ¿Klu kamrutna kajpapago-yma?


Gishriri pugkalewyegitanna mturune.

**Psagatanro kajpapago koya ruryawakna ga wa poyagkaka yonretanro gashgaji.**



Petanru ga wa putakyonganru:

-----  
-----  
-----



Ngiwaka: .....

# Kaglijpa-yma ga wa plastilina-yma wkapxatanu

## Yimaklewatachro kamrutanrupa:

Pnumnu gixachro kagli kamgikalurkaka panikanu mturune jiglokyawaka, kajpapago, gashgaji, gimatu, kolpeto.

Ginrochine panjitanu psotsotaji kaglijpa, satkaka misa penekanna plastilina ga wa kaglijpa.

Pepomganna: ginaka pnu rixya kaglijpa ga wa plastilina.

- ¿Klu kigleylu plastilina kapxatinna mturune?
- ¿Gi pejnu gogne rupriga kaglijpa ga wa palstilina?
- ¿Klu xani giknoga plastilina gimate wuwlatini?

Pyonatanru mturune chinyawakyi.

Ralukanru-ymana mturune yenewatanna, potukle rutaka kamruretanna.

Yimaklewatachro rugkaklewyegitanna girixpoko kamruretluna, klu kigleylu satkaka.


Penekanna kiruksure, pupxaka kamruretanna.

## Plastilina pakapshotanu ga wa gashgaji yonga pkamrutanu.



Petanru ga wa putakyongatanru:

Three horizontal dashed lines for writing.



Ngiwaka: .....

# Gipixkalotkakni kagli kamgikalurkaka

## Yimaklewatachro kamrutanrupa:

Tsro kgimatkalero psalwayegitanu mturune-yma, pnumnu gixachro kagli kamgikalurkaka retinripna wupokchi gajene, wumatyaplu pnumnu gixachro kagli kamgikalurkaka wupokchi gajero.

Psatokimpatka jiglokyawakna mturune pumugkalewatanna ga wa pepomganna:

- ¿Katu wsalwayentapa?
- ¿Kluneru geta?
- ¿Klu kigle-yna kagli kamgikalurkaka?
- ¿Klu kigleylo?
- ¿Girni koya ruryana yine?
- ¿Ginaka wuxpakyalu nikchipro?
- ¿Ginaka rugnantaka koyga ?

Kaglijpa penekanna mturune ralukyawakna kamrutanna kagli kamgikalurkaka, tsro kgimatkalero pixka yimakyana rixanruna, rugkakanyina klu kigleylo satkaka.

Wane pchinanna, pamole potuko gashgajine nkamrutanu pixkakatutu wane pnute gyantatanru.


Rukshikikowaka pujga yaglutinri A5.

**Pustakanru ga wa pupxatanru gashgaji yaglu mama magatinri ga wa tpoyagkakyaplu pamole.**



Petanru ga wa putakyonganru:

-----  
-----  
-----



Ngiwaka: .....

# Tsru gishanrewlu wkamrutanu wjiglokyawaka

## Yimaklewatachro kamrutanrupa:

Satu gishanrewlu pkamrutanu mturune-yma ga wa girchine-yma wane putakanru psolpotunanuko kagli kamgikalurkaka kamrutanruna. Sroshchi gkoshpakanu kiruka steno kapto yegi gwachro F (xxxx)wane pchinanna: tye rekakgititikowaka gishanrewlu wane gepkoxamkoje gishanrewatachine, ga wa pimrinepni gagjitachinepa, satkaka mturu waneya pamole proji, gi wa pimro proji rumkata gagjiretyana.

- ¿Gi pejnu proji rushankinrona kagli kamgikalurkaka?
- ¿Gi pejnu proji waneyi?
- ¿Klu panjitanu?
- ¿Klu rushagkana?
- ¿Katu kamrutlo kagli kamgikalurkaka?

Rukshikikowaka pujga yaglutinri T4.

**Pyantatanu gipejnu kagli kamgikalurkaka panjita, psaga yaglutano ga wa gi pejnu rushagkiyna. Pukshikanna kagli kamgikalurkaka wannapje psaga yaglutano.**



Petanru ga wa putakyonganru:

-----

-----

-----





Ngiwaka: .....

# Wumyogi-yma wugletanro gimatu

## Yimaklewatachro kamrutanrupa:

Ginrochi gajerya kamru gimatetachro panikanu jiglokyawakna mturune, tanikanro tumate muprigkato. Pugkakanna mturune kajpa gimatu ga wa pepomganna.

¿Gi pixkalo? retpotutanrona pepomganutnakna:

- ¿Gi gixpoko gigleretanro gimatu?
- ¿Klu-yma wugletanro gimatu?
- ¿Gi ge wujixi-yma wumkata gigleretlo?
- ¿Ga wa wusoji-yma koxa gi ge wumkata gigleretlo wale-yma?
- ¿Popri tixinitka gi ge wumyo-yma wumkata gigleretatkalo?
- ¿Klu xani giknoga wane wixini?

Potukle rutaka kamruretanna, rugkaklewatanna girixpoko kamruretluna gomkagitachri, gimyoji-yma.

Penekanna kiruksure, pupxaka kamruretanna.

**Pyochmo-myotanu pumyo-yma pomkagitanru pkamrutanru, mapa sagleru, serolu, pwalolu, poleru.**



Petanru ga wa putakyongatanru:

-----

-----

-----



Ngiwaka: .....


# Getungalu ginaka nyoptuka gimatkaletatka

## Yimaklewatachro kamrutanrupa:

Pumugkalewatanna mturune ginaka yoptuka gimatkaletatkana:

- ¿Kluneru gigleretpotuta?
- ¿Kluneru wkamruta twu chininri?
- ¿Kluneru koxa galuka kamrureta?
- ¿Kluneru wumatatka tye gogne?
- ¿Kluneru gi wa wumkata kamruretana?
- ¿Gi wixpoko giplepokletlu?
- ¿Kluneru wumatatka?

**Pugleretanru potu pkamrutanu twu kamrurchi yegi.**



-----

-----

-----



# Kigle giweklepwu



## Yimaklewatachine kamrutanrupa:

Nalukanune yimaklewatachine wa twu kirukamta wkamruta wutakyongatyaplu kigleru gimwakaklu giknogachri wjiglokyawaka gruko, rujgalu wa rekakgityapluna psoluko rumatkalna ga wa kigleru gimwakaklu rixinripna.

Galukalurni wkamrutyaplu tye gitakaluru poyagkaklewlu mturune-yma, wane pnute pgiwaka wutakanutkalu pejnuruneko getyaplu.

Pumkata kashrijetjeretlu wa ginamtachri gitakalurkaka wane pnute wa poyagkakinitkaluna.

Pasrukanna pagognemnunanuka ga wa mturune retyonganruna pogkakanrutkana pagognemnunanuka, wale chinanu rakluna yagluchi rumata getyapluna kigleru poyagkakanrutkana.

Rumkata kamru-yagluretluna, sagatanruna, rutakyaglutunruna gigojkaka, kagwuru yaglu, ga wa pimrikaka giswajkaka pagognemnunanuka.

Wetkamruretanutkana wa poyagkakamtanrutkana wa mturune ga wa pugkakpokowakatanna magamtyawakna rumkata kigle gimwakakle rixinripna.



# Walukakanu

Gita ..... galuklewata.

LUNES

MARTES

MIÉRCOLES

JUEVES

VIERNES


Ngiwaka: .....

Satu myochi pupxakanu klu gogne paluka prikamtatkana pupxalune ga wa yimaklewatachro. Gixo-myo pupxakanu giswaji gikta yine salwayegitgi. Jardín yegiya ga wa palukaprikatna.

**Petanru ga wa putakyonganru.**



Three horizontal dashed blue lines for writing, located inside the rounded rectangular frame on the right side.





# Kigle gimwale nixlu nupxaletanru

LUNES

MARTES

MIÉRCOLES


JUEVES

VIERNES


Ngiwaka: .....

Psagaswajimtanru pugleretanru potu, klu gogne gi wa pyenetkaka pujiglokanune-yma.

**Petanru ga wa putakyongatanru.**



Three horizontal dashed blue lines for writing practice.



# Nupxalune-yma napikaka



LUNES

MARTES

MIÉRCOLES


JUEVES

VIERNES


Ngiwaka: .....

Pkamru-yaglutarnu gimjikgojitachri girgogne pkotspalamtatkalu yanruchi ga wa pimrikaka pagixanu.

**Petanru ga wa putakyonganru.**



Three horizontal dashed blue lines for handwriting practice.



# Powralu ga wa ginglepotkaluru nuknokamta ga wa kojityegi nutaklu kapeholu

LUNES

MARTES

MIÉRCOLES


JUEVES

VIERNES


Ngiwaka: .....

Tkachi yaglu pupxakanu pupxaklewanatinriya ga wa giplepokotkaluru ruknokamta jiglokikowa gruko.

**Petanru ga wa putakyonganru.**



Three horizontal dashed lines for writing.



“Ngirukotnawa  
kigle nixinripa”



## Yimaklewatachine kamrutanrupa:

Nalukanune yimaklewatachine wa twu kirukamta wkamruta wutakyongatyaplu kigleru gimwakaklu giknogachri wjiglokyawaka gruko, rujgalu wa rekakgityapluna psoluko rumatkalna ga wa kigleru gimwakaklu rixinripna.

Galukalurni wkamrutyaplu tye gitakaluru poyagkaklewlu mturune-yma, wane pnute pgiwaka wutakanutkalu pejnuruneko getyaplu.

Pumkata kashrijetjeretlu wa ginamtachri gitakalurkaka wane pnute wa poyagkakinitkaluna.

Pasrukanna pagognemnunanuka ga wa mturune retyongatanruna pogkakanrutkana pagognemnunanuka, wale chinanu rakluna yagluchi rumata getyapluna kigleru poyagkakanrutkana.

Rumkata kamru-yagluretluna, sagatanruna, rutakyaglutunruna gigojkaka, kagwuru yaglu, ga wa pimrikaka giswajkaka pagognemnunanuka.

Wetkamruretanutkana wa poyagkakamtanrutkana wa mturune ga wa pugkakpokowakatanna magamtyawakna rumkata kigle gimwakakle rixinripna.





# Wma nikanuwa nerkamyoṭnawa

LUNES

MARTES

MIÉRCOLES

JUEVES

VIERNES



Ngiwaka: .....

Psaga swajitanru giklunwa peromyogatka.

**Peranru ga wa putakgiwakatnawa.**



Three horizontal dashed lines for writing, located to the right of the girl's illustration within the rounded rectangular frame.



# Nerkaygitnawa nali nikletinitka

LUNES

MARTES

MIÉRCOLES

JUEVES

VIERNES


Ngiwaka: .....

Pupxaka yaglutanru gimjiknamatachri pixinri giklunwa perkaygitnawa.

**Petanru ga wa putakgiwakatnawa.**



Three horizontal dashed blue lines for writing, located to the right of the girl's illustration within the rounded rectangular frame.



# Psolniko nnijitni nnikata

LUNES

MARTES

MIÉRCOLES


JUEVES

VIERNES


Ngiwaka: .....

Pupxaka yaglutano kochara walanwa pagognemnu komjiky, wala-yma pniklu psoluko pnijitu.

**Petanru ga wa putakgiwakatnawa.**



# Naluka gimatkota



gitni wale



*Ngiwakni*

*Wane chinreni*

*Waneyno*

*walapute*

*nopokchini*

## Yimaklewatachro kamrutanrupa:

### **Ginrochine ga wa girchine.**

Petanro wa kiruka puturu ga wa pshicho-yma giynumsakakanu

✓ ¿Giru mturu pixka pixa?

Pugkaklewyegitanru puturu ga wa pshicho, ginaka rushpakyana, katu geta gishpakletna, gi gixpoko gitaka giwakatletlu.

Pugkaklewyegitanru gi chinreni giwaka.





## Yimaklewatachro kamrutanrupa:

### **Ginrochine ga wa girchine.**

Puturu ga wa pshicho, kigle potu rixinri TNI waneyalune.

Pugkakanna kigle tixinri DNI.

Mturune wanya pwalolo DNI.

Wane ga wa giwakata, ga wa klu gogne wushpaka.

Wane rawa yagluta rumatikolupa.

Wa tye kigle-ylu:

Mturu gimkata jiglokletinripa jardín ga wa pronoei.

Rumkata pinretyapluna.

Nikaluru yoptotinripa, girukotikowakaya ga wa gikeko giknokyaplu mturu.

**Pyonatanru pnomerote DNI yaglu yegi.**

# Nannapotutanru



Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro kiruka ga wa pumugkaklewatanna puturu ga wa pshicho.

Pepomganru kluneru nikaluru rannapotuta.

✓ ¿Kluneru nikaluru pannapotuta?

Pugkakanru gi rixpoko kamrutkota.

Pupxaka yaglukanru ga wa psagatanru nikaluru pannatanrupotu.

# Yanruchi nugleretpotutanru



Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro kiruka puturu ga wa pshicho-yma.

Pepomganna kluneru yanruchi-yma ruglereta yenewlepotutna.




✓ ¿Kluneru-yma yagluchi puglereta yenewleta?

Puyenewatanna puturu ga wa pshicho.

Pugkakanna kluneru-yma pyenewjejenata mturu pixanatini.

Pupxaka yaglutranu, pkamru-yaglutranu ga wa psagatanru pugleretpotutanru yanruchi.

# Wane tixa nunro



*Nunro giwaka* .....

*nunro walapute* .....

*Kluneru nugleretyalo nunro* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro kiruka puturu ga wa pshicho-yma.



Pumugkaklewatanru puturu nikaluru pannatanrupotu, wane pnute girixpoko kamrutkota.

Pepomganru klu renekashatanyi poyagakle chinanu.

Pkamru-yaglutaru ga wa psagatanru nikaluru pannatanrupotu.



# Wane rixa nuru



*Nuru giwaka* .....

*nuru walapute* .....

*Kluneru nugleretyalu nuru* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**



Petanro kiruka puturu ga wa pshicho-yma.

Pumugkaklewatanru kluneru nikaluru pannapotuta, klu gogne pyinuwaka nikletlu.

Pepomganru kluneru paluka genekashatkota poyankakle gogne.

Pkamru-yaglutranru ga wa psagatanru nikaluru pannapotutanru.

# Nepurone ga wa nepurune



*Nepurone* .....

.....

*Nepurone* .....

.....

Ngiwaka: .....



## Yimaklewatachro kamrutanrupa:

### **Ginrochine ga wa girchine.**

Petanro kiruka puturu ga wa pshicho-yma.

Pkamru-yaglutanna pepurone ga wa pepurone,  
pyongiwakatanna chiji.

# Nunro giru ga wa nunro ginro



*Najiro giwaka* .....

*Najiro walapute* .....

*Natjiru giwaka* .....

*Natjiru walapute* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro gwicha puturu ga wa pshicho-yma.

Pumugkaklewatanna patjirune.



Pepomganna gi pejnu walapu waneylu patjiru ga wa pajiro.

Panjitanru patjiru satu pirana rugkalewyegitanyi.

Patjiru giwaka pyonatanu wane pnute pyonwalaputetanru.

Pkamru-yaglutatanru ga wa psagatanru patjirune yaglu.

# Nuru giru ga wa nuru ginro



*Najiro giwaka* .....

*Najiro walapute* .....

*Natjiru giwaka* .....

*Natjiru walapute* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petamtanro gwicha puturu ga wa pshicho-yma.

Pumugkaklewatanna patjirune.

Pepomganna gipejnu walapu waneylu patjiru ga wa pajiro.

Panjitanru patjiru satu pirana rugkalewyegitanyi.

Patjiru giwaka pyonatanu wane pnute pyona walaputetanru.

Pkamu-yaglukanru ga wa psagatanru patjirune yaglu.



# Wa tye-yma kshana pinitnona



*Tye kshana-yma pinitnona mturu nixanatini* .....

*Tye chinanu pinitnona wa tye-yma* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro gwicha puturu ga wa pshicho-yma.

Pugkakanru puturu ga wa pshicho kluneru kshana pinitka mturu rixanatini.

Pkamru-yaglutaru ga wa psagataru kamaleji.

# Klu naluka gixleta tsru nixinipa



*Klu naluka gixleta tsru nixinipa* .....

*Girixa* .....

Ngiwaka: .....

## Yimaklewatachro kamrutanrupa:

### **Ginrochine ga wa girchine.**

Petanro kiruka puturu ga wa pshicho-yma.

Pumugkaklewatanna puturu ga wa pshicho.

¿Kluneru paluka gixleta tsru pixinipa?


¿Klu chinanu?

Pkamru-yaglutaru ga wa psagataru kluneru paluka gixleta tsru  
pixinipa..



# Kayatu

Waleni nikchi ga wa rumkata gamgaletanatka.



# Jema

Kapchputajirni teno sretaya ga wa gimtasha gwachrini wenu stsi koxa.

# Wixyegi gwachine nikchine





# Katsnalu

Pashegimnu rapjemta



# Chiklu

Rugkakwu kigleru ga wa mugletu pirana.



# Knoya

Satpacha pamyomole walapu tumkata giwekleta.



# Kshiwna

Potsojri jiwurni, gonshiro ga wa powraklopinshirni.



## Katato

Walanwa sana sputa gwa-  
chro waneylo toshapto  
gowukalu, toygale ga wa  
patsrujire jixirotni.



## Kshiyojru

Kpixnu patalni.



## Yawo

Wa twu goshgajero pa sima-  
gkaka tujruka, tuchkatapinri-  
pa ga wa tsunjetinripa.



## Gapro

Wannani kamejirune pnumnu  
gixa sagletachine, wanna gi-  
gkaklewata shiji jirgakoklumpatka.



# Pachi

Kiglerpotni  
ga wa gonu  
sretapje  
gwachrini, seyni  
gi wa ranogata  
gi koxa  
rumjijegata.



# Kshoteru

Wannanwa nikchine kshanapje  
nikachine, ga wa jejine-pje  
kagwa.



# Giyalu

Yapamtyawakna ruspananumtluna  
gagmuna ga wa gitawaka,




# Pejri


Kapna-pje gwachroni ga wa topixi  
popnirni ga wa ktata ptsolni.



# Wuynumsakakanu







Ngiwaka: .....

## Yimaklewatachro ga wa wutsrukatene kamrutanrupa

Pepomgalewatanu gitixpoko yanumsatikota giynumapi.


Mature-yna petanro giynumapi pupokchi gajero.



Pumugkalewatanro giynumapi girukotachro, mturune koxa kashichanro, gi wa koshripkakanna.

Pekakgitanna mturune, kigle tixinri giynumapi.

Pepomgalewatanu kluneru yantalni giynumapi papokchi gajero.

**Girni xani yantalu giynumapi pupokchinu. Psagatanru ga wa pyonatanru yantalu.**





Ngiwaka: .....

Pepomgalewatanu klu yantalni tuynumapre yimaklewatachro. Psagatanro giynumsapi.



Three horizontal dashed lines for writing, located to the right of the girl's illustration within the rounded rectangular box.



























































































































































































**PAPEL**

**KRAFT**

**PAPEL**

**KRAFT**

**PAPEL**

**KRAFT**

**PAPEL**

**KRAFT**



## Yimaklewatachine getanrupa

Nalukanru yimaklewatachine

Xani wekakgitgi gepi sretako yonataluro, wale chinanu yonatka satu gigkaklu yaglu-ymako kapokotu ga wa mturune poyagakakanru, ga wa yagluchi-yma gipgujewnamtachri, ga wa kiruka kaptote rukshikika.

Wa Tye pagixanu waneylu nikawninri tye gigkaklu, pupokchi pirana potuko, ga wa mturu pupxaka kamruranru satu gigkaklu seyini yaglu-ymananuko wale chinamtyawakpotuko ga wa wannako tsomitanru chinamtyawa gigkaklu kamrutanna.


Pkomjikanna mturune kamrutyapluna yenewlu-ymako, ga wa giwa kyapregopna mturune tsomityapluna, ga wa wannako gimkata kamruranru ginshinikanuyna.

Ga wa girchine koxa wanepa tye kamrurchi chinanu wa mturune ga wa mturone kamrutanrupa.


Ga wa palixkotanru kamruna kosekinrina ga wa pupxakanna kosekantinrina wa kgimaluya.



# Yenewlu yegi gwachri



Pustajitanru gewi gwachri tawlero rukshi kika pagina K1



Pkotspalatanra ga wa pyoshmatanru wale gikshikika pagina K6



Pkotspalatanra gwicha ptsomitamratka rukshikika pagina K6



## Yimaklewatachro kamrutanrupa

- 1 Pyenewkakanna mturune wa tye yenewlu "Wyenewatanu"
- 2 Pkamrutanru kiruka sure-yma gepkoxamkoje dadaji. Ga wa mturu - mturo koxa pkamrutanu.
- 3 Sato pugleretanro gwicha pwanu.
- 4 Puknokanru dadaji, tsuru yantolpotu koshpakashri, walepni yinuwaka yenewle japkatanu.
- 5 Petanu ginaka tapoka gwicha, tapokyawaka gwicha wale potuko pkamrutanu.
- 6 Gepkoxomkojeneko mturune gapokinitka ganikaji, wane nikawniyatka yenewlu.